



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmae Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

De superbia conuiuiorum. Cap. XXI.

[urn:nbn:de:hbz:466:1-46161](https://nbn-resolving.org/urn:nbn:de:hbz:466:1-46161)

amor pauperū. Timendum est ne Deus multū offendatur, quoniam subtrahitur ori suo in pauperibus, vnde equi impinguntur.

De superbia quæ apparet in familia. CAP. XX.

Notandum quod tria possunt esse reprehensibilia in familia nalicuius potentis. ¶ Primum est, multitudo. vnde Ecclesi. 5. Vbi multæ sunt opes, multi & qui comedunt eas, & quid prodest possessori, nisi quod cernit diuitias oculis suis? ¶ Secundum est, vita inhonesta. vnde Bernardus: Nec te dixeris sanum dolentē larera: hoc est, ne te dixeris bonum malis innitentem. Nō tuta est bonitas tua obsessa malis, nō magis quā sanitas vicino serpenti. & David in Psalm. Oculi mei ad fideles terræ, vt sedeant mecum: ambulans in via immaculata, hic mihi ministrabat. Nō habitabit in medio domus meæ qui facit superbiam, &c. ¶ Tertium est, inutilitas. Fatuum enim est habere familiam sibi inutilem. Proverbiorum 14. Iracundiam regis seruus inutilis sustinebit. Matth. 2. Seruum inutilem proiците in tenebras exteriores: & sicut diximus prius, Christianos qui pompatici sunt, quantū ad multitudinem equorum, apostatas esse & transgressores baptisimatis, quō promiserūt abrenuntiare pompis diaboli: sic possum dicere de illis qui pompatici sunt, quātum ad magnam familiam, qui gaudent de multitudine familię sequentis eos. Tali facultate laborant quali laborat ille qui deferens mel, gauderet eō quod multæ muscæ sequerentur eum. Senec. Multi aliquem comitantur, mel muscæ sequuntur, cadauera lupi, frumenta formicæ, prædam sequitur turba ista, non hominē. Quandoque familia quam credit superbus esse suā, potius est familia diaboli, custodiens eā diabolo. vendit etiam eam diabolo, dum procurat, quod ipsa corrumpatur in iudicio vel alio modo: quādoque etiā vinum sepelit eum, dum ei adulatur. Vnde Greg. loquēs de illo verbo Matth. 8. Sinite mortuos sepelire mortuos suos, dicit: Mortuus mortuum sepelit, cum peccator peccatorem aggere adulationis premit. Familia etiam superbi eū comedit, dum temporalia quæ illi vnita sunt per amorem consumit. vnde August. Nimij amatores temporalium fecerūt ea mēbra sua. Vnde vsualiter solent dicere auari cū bona eorum comeduntur, se comedi.

De superbia conuiuiorum. CAP. XXI.

Superbia conuiuiorū apparet. ¶ Primo in hoc, quod magni & diuites inuitantur qui nō indigēt, & pauperes relinquuntur: cōtra illud Luc. 14. Cū facis conuiuium, voca pauperes, debiles, claudos, cæcos, & beatus eris, quia nō habēt vnde retribuāt tibi: retribuetur enim tibi in retributione iustorum. ¶ Secū. in hoc, quod sunt multi mini

stri ibi in superbo apparatu. Qui autem gaudet de multitudine superbitorum ministrorum, a huc veniet hora quod vellent habere unum ministrum leprosum, nec poterunt habere. vnde Luc. 16. dicit diues qui erat in inferno: Pater Abraham, miserere mei, & mitte Lazarum &c. Lazarus plenus fuit vlceribus, & tamen diues eius ministrum desiderabat, pro superbis ministris quos habuerat hic. Nō gaudebat Dauid de talibus ministris, cum diceret: Non habitabit in medio domus meæ, qui facit superbiam.

¶ Tertio, apparet superbia in varietate ferculorum, & deauratione, & splendore eorundem ad vanam gloriam. Senec. Non magno constat nobis fames, sed ambitio. Idem: Iam nō sunt homines dentibus, & ore, & ventre ad pompam contenti: oculis quoque gulosi sunt. ¶ Quarto, apparet superbia in vasis aureis & argenteis. Mira fatuitas, quod homines volunt habere vasa aurea & argentea ad replendum ventrem, qui est vas immunditiæ, citius ad replendum vasa vinaria, quæ munda sunt, sufficiant medicaria seu vasa lignea. ¶ Quinto, apparet superbia in multitudine musicorum instrumentorum. Iob. 21. Tenent tympanum, & citharam, & gaudent ad sonitum organi. Ducunt in bonis dies suos, & in puncto ad inferna descendunt. Esaiæ 5. Cithara, & lyra & tympanum, & tibia, & vinum in conuiujs vestris: & opus Domini non respicitis, scilicet iustitiam quam faciet in die iudicij.

De superbia adificiorum.

CAP. XXII

Notandum quod circa ædificia sex possunt esse reprehensibilia. ¶ Primum est multitudo. Esa. 5. Væ qui coniungitis domum ad domum. Item reprehensibilia sunt in ædificijs magnitudo, sumptuositas, & delectabilitas. Delectabilitas verò attenditur circa colores picturarum, & quantum ad caliditatem in hyeme, & frigiditatem in æstate. Ierem. 22. Væ qui dicit, Ædificabo mihi domum latam, & cœnacula spatiosa, ecce magnitudo. Qui appetit sibi fenestras, ecce delectabilitas. Et facit laquearia cœdrina, ecce sumptuositas. Pingitque sinopide. Interlin. id est Christi sanguine. Item reprehensibile est in ædificijs, quæ de rebus iniuste acquisitis fiunt. Ierem. 22. Væ qui ædificat domum suam in iniusticia. Item reprehensibile est in ædificijs intentio mala: quando scilicet fiunt ad vanitatem, non ad necessitatem. Senec. Domus munimentum sit aduersus infesta corporis: hanc vitrum sepes erexerit, an varius lapis gentis alienæ, nihil interest: Scitote homines tam bene culmo, quam auro tegi. ¶ Contemnite cætera quæ superuacuis labor velut ornamentum ac decus ponit: mementote nihil præter animum esse mirabile,

cui